



Este mércores 22 de outubro ás 20:30 horas proxectarase na Aula de Cultura Ponte de Rosas o documental **La Saucedá. De la utopía al horror** (2014), no marco do ciclo Cine e Memoria II. Dirixido por Juan Miguel León Moriche e realizado por Antonio Bermejo Canua, o filme amosa o horror sufrido en La Saucedá (Málaga), poboado bombardeado pola aviación e por columnas do exército franquista en 1936.

La Saucedá rodouse entre setembro de 2012 e marzo de 2013 coa colaboración do Foro pola Memoria do Campo de Gibraltar e a Asociación de Familiares de Represaliados polo franquismo en La Saucedá e El Marrufo. Nel cóntase a historia deste val da serra que se estende polas provincias de Cádiz e Málaga, último bastión republicano na zona cando as tropas franquistas xa ocupaban todas as comarcas próximas. La Saucedá foi bombardeada e o poboado destruído para sempre pola aviación e catro columnas do exército franquista. Os superviventes foron encerrados no Cortijo de El Marrufo, no termo de Jerez da Fronteira, onde cada día eran fusiladas cinco ou seis persoas. Cos testemuños dos entrevistados reconstrúese todo o sucedido naqueles meses do verán do 36 ao inverno do 37 e logo nárrese o labor realizado polo foro e a asociación desde 2011 para localizar as fosas comúns onde no verán de 2012 se exhumaron os cadáveres de 28 persoas.

Este documental é unha peza máis de todo o labor que, desde fai algúns anos, desenvolve o foro e a asociación para recuperar a historia do sucedido en La Saucedá. Xa en 2011 realizaron as catas arqueolóxicas no Cortijo de El Marrufo, onde localizaron os restos de catro persoas enterradas en fosas comúns. No verán de 2012 realizaron as exhumacións dos restos

Escrito por Redaccion @valminorinfo
Martes, 21 Outubro 2014 23:10

de 28 persoas, ás que deron “un enterro digno no antigo cemiterio de La Saucedá”, segundo explican nunha nota de prensa. Este cemiterio foi tamén rehabilitado co traballo desas organizacións. A finais de 2013 lograron identificar trece das vinte e oito persoas cuxos restos foron exhumados en El Marrufo. Esa identificación foi posible grazas ás análises do ADN sacado dos seus restos óseos e a súa comparación co ADN das mostras de saliva tomadas ás distintas persoas das familias con antepasados desaparecidos en La Saucedá que puideron localizar.